

ხელშეკრულება N2/გრ/21/6**სახელმწიფო შესყიდვის შესახებ**

(დაფინანსების წყარო: საქართველოს სტატისტიკის ეროვნულ სამსახურსა (საქსტატი) და შვედეთის მთავრობას (წარმოდგენილი შვედეთის საერთაშორისო განვითარების თანამშრომლობის სააგენტოს (SIDA) მიერ) შორის, 2021 წლის 7 დეკემბერს გაფორმებული საგრანტო ხელშეკრულების ბიუჯეტი)

ქ. თბილისი

ერთი მხრივ, **სსიპ - საქართველოს სტატისტიკის ეროვნული სამსახური** (ს/კ 212273868) წარმოდგენილი მისი აღმასრულებელი დირექტორის მოადგილის პაატა შავიშვილის სახით, (შემდგომში „შემსყიდველი“) და მეორე მხრივ, შპს „ენ-ჯი-ეს გრუპი“ (ს/კ 405112676) წარმოდგენილი მისი დირექტორის ნიკა ფიცხელაურის სახით (შემდგომში „მიმწოდებელი“) „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის, სახელმწიფო შესყიდვების სააგენტოს 2017 წლის 14 ივნისის №12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული აუქციონის გარეშე ელექტრონული ტენდერის (NAT220011479) საფუძველზე, ვდებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. "შემსყიდველი ორგანიზაცია" (შემდგომში - „შემსყიდველი“) - ორგანიზაცია, რომელიც "სახელმწიფო შესყიდვების შესახებ" საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2. „მიმწოდებელი“ - პირი, რომელმაც მოიპოვა გამარჯვება შემსყიდველის მიერ გამოცხადებულ აუქციონის გარეშე ტენდერში (NAT220011479)
- 1.3. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, მასზე თანდართული და მიმწოდებლის მიერ წინამდებარე ხელშეკრულების 1.2 პუნქტში მითითებული, ტენდერისათვის წარმოდგენილი ყველა დოკუმენტით, მათ შორის:
 - 1.3.1 დანართი №1 - ტექნიკური დავალება;
 - 1.3.2 დანართი №2- ფასების ცხრილი.

- 1.4 "ხელშეკრულების ღირებულება"- საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5 "დღე", „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანს წარმოადგენს შემსყიდველი ორგანიზაციის მიერ მაგიდის კომპიუტერების (დესკტოპების) და ელექტრომომარაგების აქსესუარების (UPS)-ების (შემდგომში „საქონელი“) სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: (CPV 30213300, 30237280).
- 2.3 მისაწოდებელი საქონლის დასახელება, ზომის ერთეული, რაოდენობა და ერთეულის ფასი განისაზღვრება დანართი №2-ის შესაბამისად.

3. ხელშეკრულების ღირებულება

- 3.1 ხელშეკრულების საერთო ღირებულება განისაზღვრება მიმწოდებლის მიერ წარმოდგენილი დანართი №2-ის შესაბამისად და შეადგენს 189 620.00 (ას ოთხმოცდაცხრა ათას ექვსას ოცი ლარი 00 თეთრი) ლარს, დღგ-ს გარეშე.

1

- 3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს და გადასახდელებს დღგ-ს გარეშე *(დაფინანსების წყარო: საქართველოს სტატისტიკის ეროვნულ სამსახურსა (საქსტატი) და შვედეთის მთავრობას (წარმოდგენილი შვედეთის საერთაშორისო განვითარების თანამშრომლობის სააგენტოს (SIDA) მიერ) შორის, 2021 წლის 7 დეკემბერს გაფორმებული საგრანტო ხელშეკრულების ბიუჯეტი, აღნიშნული პროექტის განმახორციელებელი, შეყვანილია საერთაშორისო ხელშეკრულებების შესაბამისად საგადასახადო შეღავათით მოსარგებლე პირთა ერთიან ელექტრონულ რესტრში <https://www.rs.ge/TaxPrivileges>).*

4. საქონლის მიწოდების ვადა და ადგილი

- 4.1. მიმწოდებელი საქონლის მიწოდებას განახორციელებს სახელმწიფო შესყიდვის შესახებ ხელშეკრულების გაფორმების დღიდან არაუგვიანეს - 90 (ოთხმოცდაათი) კალენდარული დღის ვადაში.
- 4.2. შესასყიდი საქონლის მიწოდების ადგილია - ქ. თბილისი, ც. დადიანის ქ. #30
- 4.3. საქონლის მიწოდებას მიმწოდებელი უზრუნველყოფს საკუთარი ხარჯით.

5. ხელშეკრულების შესრულების კონტროლი

- 5.1 მიმწოდებლის მიერ აღებული ვალდებულებების ჯეროვნად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.
- 5.2 შემსყიდველის მხრიდან ხელშეკრულების შესრულების კონტროლს ახორციელებენ: სსიპ - საქართველოს სტატისტიკის ეროვნული სამსახურის ინფორმაციული ტექნოლოგიების დეპარტამენტის უფროსი (შემდგომში „ინსპექტირების ჯგუფი“).
- 5.3 ინსპექტირების ჯგუფის ფუნქციებია:

- 5.3.1 გაუწიოს კონტროლი ხელშეკრულებით გათვალისწინებული საქონლის მიწოდების ვადების დაცვას;
- 5.3.2 დაადგინოს მიწოდებული საქონლის შესაბამისობა ხელშეკრულებით გათვალისწინებულ მოთხოვნებთან;
- 5.3.3 უზრუნველყოს სათანადო დასკვნის შედგენა მიმწოდებლის მიერ წინამდებარე ხელშეკრულებით ნაკისრი ვალდებულებების შესრულების თაობაზე.

6. საქონლის მიწოდების პირობები და საგარანტიო ვადები

- 6.1 მიმწოდებელი საქონელი უნდა იყოს ამ სფეროში დადგენილი სტანდარტების შესაბამისი და შეესაბამებოდეს დანართი №1-ით გათვალისწინებულ მისაწოდებელი საქონლის ტექნიკურ მახასიათებლებს და პირობებს.
- 6.2 საქონლის მიღების ან/და საბოლოო შემოწმებისას და საგარანტიო პერიოდში გამოვლენილი დეფექტის ან ნაკლის აღმოჩენის შემთხვევაში, მიმწოდებელი ვალდებულია დაუყოვნებლივ განახორციელოს დეფექტის ან ნაკლის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე. შესყიდვის ობიექტის წუნის ან ხარვეზის შემთხვევაში (გარდა მექანიკური დაზიანებისა), მიმწოდებელმა საგარანტიო პერიოდის განმავლობაში უნდა უზრუნველყოს მისი ჩანაცვლება ახლით, ასეთის დაფიქსირებიდან გონივრულ ვადაში, მაგრამ არაუგვიანეს 10 (ათი) სამუშაო დღისა. აღნიშნულ მუხლში გათვალისწინებული ვადები აითვლება მიმწოდებლის ელექტრონულ მისამართზე (npitskhelauri@ngsgroup.ge) შემსყიდველის მიერ დეფექტის ან ნაკლის აღმოფხვრის შესახებ მოთხოვნის გაგზავნისთანავე.
- 6.3 მიმწოდებლის მიერ დადგენილი ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.
- 6.4 შემსყიდველ ორგანიზაციას უფლება აქვს უარი განაცხადოს წუნდებული საქონლის მიღებაზე.

7. საქონლის მიღება-ჩაბარების წესი

- 7.1 მიმწოდებლის მიერ მიწოდებული საქონელი ჩაითვლება მიღებულად მიღება-ჩაბარების აქტის გაფორმების საფუძველზე.
- 7.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს მოქმედი კანონმდებლობით გათვალისწინებული შესაბამისი საგადასახადო დოკუმენტაცია.
- 7.3 მიღება-ჩაბარების აქტი დგება საქონლის მიწოდების დასრულების შემდეგ, ინსპექტირების დასკვნის საფუძველზე, წერილობითი ფორმით, მხარეთა უფლებამოსილი წარმომადგენლების ხელმოწერით.
- 7.4 შემსყიდველის მხრიდან მიღება-ჩაბარების აქტზე ხელმოწერი პირები არიან: სსიპ - საქართველოს სტატისტიკის ეროვნული სამსახურის სტრატეგიული დაგეგმვის, კოორდინაციისა და კომუნიკაციის დეპარტამენტის უფროსი ან/და სამეურნეო და სახელმწიფო შესყიდვების სამმართველოს უფროსი.
- 7.5 საქონლის მიღება და საბოლოო შემოწმება ხდება საქონლის მიწოდების ადგილზე.

8. ანგარიშსწორების პირობები და ვადები

8.1 ანგარიშსწორება განხორციელდება უნაღდო ანგარიშსწორების წესით, ლარში, საქონლის მიწოდების შემდეგ, ფაქტიურად მოწოდებული საქონლის შესაბამისად.

8.2 ანგარიშსწორება განხორციელდება უნაღდო ანგარიშსწორების წესით, ფაქტიურად სრულად მოწოდებული საქონლის შესაბამისად გაფორმებული მიღება-ჩაბარების აქტის და საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან **10 (ათი)** სამუშაო დღის ვადაში.

8.3 შემსყიდველი უფლებამოსილია, მიმწოდებლის მიერ შემსყიდველისათვის ხელშეკრულებით გათვალისწინებული (მიღება-ჩაბარების აქტის შესაბამისი) ნებისმიერი ასანაზღაურებელი თანხა (ასეთის არსებობის შემთხვევაში) გამოქვითოს შემსყიდველსა და მიმწოდებელს შორის გაფორმებული ნებისმიერი ხელშეკრულებიდან წარმოშობილ და მიმწოდებელზე ვადამოსულ გადასარიცხი თანხიდან.

8.4 საქართველოს მოქმედი კანონმდებლობით გათვალისწინებული ყველა გადასახადის და გადასახდელის გადახდაზე პასუხისმგებელია მიმწოდებელი.

9. მხარეთა უფლება-მოვალეობანი

9.1 შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის მოთხოვნათა სრული დაცვით.

9.2 შემსყიდველი უფლებამოსილია:

9.2.1 განახორციელოს ზედამხედველობა მიმწოდებლის მიერ ხელშეკრულების პირობების დაცვაზე;

9.2.2 ხელშეკრულებით გათვალისწინებული საქონლის მიწოდების ვადების დარღვევის შემთხვევაში მიმწოდებლისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;

9.3 შემსყიდველი ვალდებულია:

9.3.3 მიიღოს მოთხოვნილი საქონელი;

9.3.4 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად;

9.3.5 განახორციელოს ამ ხელშეკრულებით მასზე დაკისრებული სხვა ვალდებულებები;

9.4 მიმწოდებელი უფლებამოსილია:

9.4.6 მოითხოვოს შემსყიდველისგან მიწოდებული საქონლის ღირებულების ანაზღაურება ხელშეკრულებით გათვალისწინებული პირობების შესაბამისად;

9.4.7 ანგარიშსწორების ვადის დარღვევის შემთხვევაში შემსყიდველისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;

9.5 მიმწოდებელი ვალდებულია:

9.5.1 მიაწოდოს შემსყიდველს ნივთობრივად და უფლებრივად უნაკლო საქონელი;

9.5.2 საქონლის მიწოდება განახორციელოს წინამდებარე ხელშეკრულებაში მოცემული პირობების შესაბამისად;

9.5.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე, დაუყოვნებლივ განახორციელოს ქმედებები აღმოჩენილი ხარვეზის გამოსწორებისათვის;

9.5.4 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;

9.5.5 განახორციელოს ამ ხელშეკრულებით მასზე დაკისრებული სხვა ვალდებულებები.

10. ხელშეკრულებაში ცვლილებების შეტანა

- 10.1 ხელშეკრულების დამდებ არც ერთ მხარეს უფლება არ აქვს ცალმხრივად შეცვალოს ხელშეკრულების პირობები.
- 10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევისა.
- 10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 10.5 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

11. ხელშეკრულების შეწყვეტა

- 11.1 ხელშეკრულება შეიძლება შეწყდეს:
 - 11.1.1 მხარეთა წერილობითი შეთანხმებით;
 - 11.1.2 ხელშეკრულების ვადის გასვლის გამო;
 - 11.1.3 საქართველოს მოქმედი კანონმდებლობით ან/და ამ ხელშეკრულებით გათვალისწინებულ სხვა შემთხვევებში.
- 11.2 შემსყიდველი უფლებამოსილია ცალმხრივად შეწყვიტოს ხელშეკრულება (მთლიანად ან ნაწილობრივ), თუ:
 - 11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
 - 11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;
 - 11.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;
 - 11.2.4 მიმწოდებლის გაკოტრების შემთხვევაში;
 - 11.2.5 საქართველოს მოქმედი კანონმდებლობით გათვალისწინებულ სხვა შემთხვევებში.

12. მხარეთა პასუხისმგებლობა

- 12.1 მხარეები იღებენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, საქართველოს მოქმედი კანონმდებლობით განსაზღვრული წესით.
- 12.2 შემსყიდველი პასუხისმგებელია ხელშეკრულებით გათვალისწინებული

ანგარიშსწორების ვადების დარღვევისათვის. ასეთი დარღვევის არსებობის შემთხვევაში, იგი ვალდებულია პირგასამტეხლოს სახით მიმწოდებელს გადაუხადოს ხელშეკრულების ღირებულების 0.02 პროცენტი ყოველი ვადაგადაცილებული დღისათვის.

12.3 მიმწოდებელი პასუხისმგებელია ხელშეკრულებით გათვალისწინებული ვადების დარღვევისათვის. ასეთი დარღვევის არსებობის შემთხვევაში იგი ვალდებულია, პირგასამტეხლოს სახით შემსყიდველს გადაუხადოს ხელშეკრულების ღირებულების 0.02 პროცენტი ყოველი ვადაგადაცილებული დღისათვის.

12.4 თუ მიმწოდებელი არ განახორციელებს წუნდებული საქონლის შეცვლას, ხელშეკრულების შესაბამისად, დაეკისრება პირგასამტეხლოს სახით ხელშეკრულების ღირებულების 0.02 პროცენტი ყოველი ვადაგადაცილებული დღისათვის.

12.5 ზემოაღნიშნული ვალდებულებების შესრულება არ ათავისუფლებს მიმწოდებელს ხელშეკრულებით ნაკისრი ვალდებულებების სრულად შესრულებისაგან.

13. ფორს-მაჟორი

13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ფორს-მაჟორს მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორიცაა ომი, სტიქიური მოვლენები, ეპიდემია და აშ.

13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული ან/და სხვა ხელშემშლელი გარემოებების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.

- 13.4 ფორს-მაჟორული ან/და სხვა ხელშემშლელი გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.
- 13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

14. დავების გადაწყვეტა

- 14.1 მხარეთა შორის წინამდებარე ხელშეკრულებიდან გამომდინარე ნებისმიერი დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობით დადგენილი წესის შესაბამისად.

15. ხელშეკრულების სხვა პირობები

- 15.1 ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 15.2 ამ ხელშეკრულებით გაუთვალისწინებელი საკითხები განისაზღვრება საქართველოს მოქმედი კანონმდებლობის შესაბამისად.
- 15.3 ხელშეკრულება შედგენილია ქართულ ენაზე ელექტრონულად, დადასტურებულია კვალიფიციური ელექტრონული ხელმოწერით ან/და ელექტრონული შტამპით და ინახება ხელშეკრულების მონაწილე მხარეებთან.

16. ხელშეკრულების მოქმედების ვადა

- 16.1 ხელშეკრულება ძალაშია მისი ხელმოწერის დღიდან და მოქმედებს 2022 წლის 31 (ოცდათერთმეტი) დეკემბრის ჩათვლით (გარდა ამ ხელშეკრულების მე-6, მე-8, 12.3 და 12.4 პუნქტებისა).
- 16.2 ხელშეკრულების მე-6, მე-8, 12.3 და 12.4 პუნქტები ძალაშია ხელმოწერის დღიდან და მოქმედებს საგარანტიო ვადის სრული პერიოდის განმავლობაში.

17. მხარეთა რეკვიზიტები

შემსყიდველი

სსიპ - საქართველოს სტატისტიკის
ეროვნული სამსახური
ს/კ 212273868
მის: ქ.თბილისი, ც. დადიანისN30,
ტელ. 236-72-10
საბანკო რეკვიზიტები:
ანგ.NGE24NB0330100200165022
სახელმწიფო ხაზინა,
კოდიTRESGE22,

მიმწოდებელი

შპს „ენ-ჯი-ეს
გრუპი“
ს/კ: 405112676
მის: ქ. თბილისი, ვაკე-საბურთალოს
რაიონი, ზაგები, კორ. 3, ბ. 15
ტელ: +995595282815
საბანკო რეკვიზიტები:
ბანკი: სს "საქართველოს ბანკი"
კოდი: BAGAGE22
ანგ.GE02 BG00 0000 0545 4083 00

დირექტორი

----- ნიკა ფიცხელაური

დანართი N1

დანართი N1						
ტექნიკური დავალება						
N	სავალდებულო მოთხოვნები	ტექნიკური მახასიათებლები	შემოთავაზებული ტექნიკური მახასიათებლები	მიწოდების ვადა	საგარანტიო ვადა	რაოდენობა (ცალი)
1	მონიტორი:(წარმოშობის ქვეყანა, მწარმოებელი კომპანია და მოდელი)	ჩინეთი , 2E , 2E-B2420B-01		90კალენდარული დღე	3 წელი	100
2	ტიპი	23.8 ინჩი ან მეტი, LED ან WLED განათებით	23.8 ინჩი , LED			
3	ფორმატი	16:9	16:9			
4	რეაგირების დრო	მაქსიმუმ 5 მილიწამი	5 მილიწამი			
5	მატრიცის ტიპი	TN, IPS ან VA	TN			
6	გარეგანობა	1920x1080 ან მეტი	1920x1080			
7	ხედვის კუთხე	178° ჰორიზონტალი ან მეტი 178° ვერტიკალი ან მეტი	178° ჰორიზონტალი 178° ვერტიკალი			
8	ვიდეო პორტები	არანაკლებ 1 VGA და 1 HDMI პორტი.	1 VGA და 1 HDMI პორტი.			
9	მონიტორს უნდა მოეცემა კვების კაბელი და შესაბამისი ვიდეო კაბელები	HDMI კაბელი (რომელიც მიერთდება წარმოდგენილ სისტემურ ბლოკთან)	HDMI კაბელი (რომელიც მიერთდება წარმოდგენილ სისტემურ ბლოკთან)			
10	სისტემური ბლოკი: (წარმოშობის ქვეყანა, მწარმოებელი კომპანია და მოთილი)	უკრაინა , 2E , 2EGE-2207				20
11	პროცესორი		AMD Ryzen 5 5600			
12	გამოშვების წელი	არანაკლებ 2021	2022			
13	ბირთვების რაოდენობა	არანაკლებ 6(ექვსი)	6(ექვსი)			
14	ნაკადების რაოდენობა	არანაკლებ 12 (თორმეტი)	12 (თორმეტი)			
15	„ქეში“	არანაკლებ 18 მეგაბაიტი	32 მეგაბაიტი			
16	ბაზური ტაქტური სიხშირე	არანაკლებ 2.90 GHz,	3.5 GHz,			
17	მაქსიმალური (ტურბო) ტაქტური სიხშირე	არანაკლებ 4.30GHz	4.40GHz			
18	უნდა გააჩნდეს ვირტუალიზაციის მხარდაჭერა		გააჩნია (AMD-V)			
19	დედაპლატა					
20	ჩაშენებული ქსელის ადაპტერი	RJ-45 10/100/1000	RJ-45 10/100/1000			
21	გაფართოების სლოტები	DIMM სლოტი 2 ცალი ან მეტი; M.2 სლოტი PCIe NVMe დისკისთვის 1 ცალი ან მეტი	DIMM სლოტი 2 ცალი; M.2 სლოტი PCIe NVMe დისკისთვის 1 ცალი			
22	პორტები	USB პორტი 8 ცალი ან მეტი; მინიმუმ 4 ცალი USB 3.0 ან მეტი; მინიმუმ 4 USB პორტი უნდა იყოს სისტემური ბლოკის წინა პანელზე	USB პორტი 10 ცალი ჯამურად ; 6 ცალი USB 3.0 (4 ცალი უკან , 2 ცალი წინ) ; 4 USB პორტი სისტემური ბლოკის წინა პანელზე			
23	გრაფიკული ინტერფეისები	სავალდებულოა DisplayPort და HDMI პორტები	DisplayPort და HDMI პორტები			
24	ოპერატიული მეხსიერება	მოცულობა: არანაკლებ 8 გბ ერთი ან ორი მოდულით; ტიპი: DDR4 3200 MHz ან მეტი	მოცულობა: 8 გბ ერთი მოდულით; ტიპი: DDR4 3200 MHz			
25	აუდიო	სისტემური ბლოკის წინა ან უკანა პანელზე აუდიო პორტები.	სისტემური ბლოკის წინა და უკანა პანელზე აუდიო პორტები.			
26	მყარი დისკი	SSD, არანაკლებ 512GB	SSD, 512GB			
27	DVD/CD წამკითხველი (DVD/CD Rom)	სავალდებულოა	გააჩნია			
28	მაუსი და კლავიატურა: (წარმოშობის ქვეყანა, მწარმოებელი კომპანია და მოდელი)	მაუსის და კლავიატურის კომპლექტი : ჩინეთი , 2E , MK401				100
29	კლავიატურა	სტანდარტული, მინიმუმ 104 კლავიშისი, ინტერფეისი: USB	სტანდარტული, მინიმუმ 104 კლავიშისი, ინტერფეისი: USB			
31	მაუსი	ობტაკური (scroll-ის ფუნქციით), ინტეფეისი: USB	ობტაკური (scroll-ის ფუნქციით), ინტეფეისი: USB			

32	ელექტრომომარაგების აქსესუარი (UPS): (წარმოშობის ქვეყანა, მწარმოებელი კომპანია და მოდელი)	ჩინეთი , APC , BV650I-GR		90კალენდარული დღე	1 წელი	100
33	სიმძლავრე:	არანაკლებ 600VA, არანაკლებ 340Watts.	650VA, 375Watts.			
34	გამომავალი ძაბვა აკუმულატორიდან მუშაობის რეჟიმში:	230V ცვალებადობა არაუმეტეს +/-10%	230V ცვალებადობა არაუმეტეს +/-10%			
35	ძაბვის ავტომატური რეგულატორი:	სავალდებულოა.	გააჩნია			
36	უწყვეტი კვების წყარო არ უნდა გადაირთოს აკუმულატორიდან მუშაობის რეჟიმში:	დაბალი ზღვარი მაქსიმუმ 170V - მაქსიმალური ზღვარი მინიმუმ 280V.	დაბალი ზღვარი 170V - მაქსიმალური ზღვარი 280V.			
37	აკუმულატორის ტიპი:	12 V, არანაკლებ 7Ah.	12 V, 7Ah.			
38	გამომავალი შემერთებელი:	არანაკლებ 4 ერთეული	4 ერთეული			
39	გამომავალი შემერთებელის ტიპი:	CEE7/7 (დამატებითი კაბელები არაა სავალდებულო) ან IEC 320 (უნდა მოყვებოდეს ორი კაბელი).	Schuko CEE 7/7P			
40	შემომავალი სიხშირე:	არანაკლებ 50Hz არაუმეტეს 60Hz (ცვალებადობა არა უმეტეს +/- 5Hz).	50Hz /60Hz (ცვალებადობა +/- 1Hz).			
41	განგაში:	ვიზუალური LED და ხმოვანი სიგნალები.	ვიზუალური LED და ხმოვანი სიგნალები.			
ტექნიკური დავალება						
N	სავალდებულო მოთხოვნები	ტექნიკური მახასიათებლები	შემთავაზებული ტექნიკური მახასიათებლები	მიწოდების ვადა	საგარანტიო ვადა	რაოდენობა (ცალი)
1	სისტემური ბლოკი: (წარმოშობის ქვეყანა, მწარმოებელი კომპანია და მოდელი)	უკრაინა , 2E , 2EGE-2208		90 კალენდარული დღე	3 წელი	80
2	პროცესორი		Intel Core i3-12100			
3	გამოშვების წელი	არანაკლებ 2021	2022			
4	ბირთვების რაოდენობა	არანაკლებ 4(ოთხი)	4(ოთხი)			
5	ნაკადების რაოდენობა	არანაკლებ 8 (რვა)	8 (რვა)			
6	„ქეში“	არანაკლებ 12 მეგაბაიტი	12 მეგაბაიტი			
7	ბაზური ტაქტური სიხშირე	არანაკლებ 3.3 GHz,	3.3 GHz,			
8	მაქსიმალური (ტურბო) ტაქტური სიხშირე	არანაკლებ 4.30GHz	4.30GHz			
9	უნდა გააჩნდეს ვირტუალიზაციის მხარდაჭერა		გააჩნია (Intel-VT-X)			
10	დედაპლატა					
11	ჩამოწმებული ქსელის ადაპტერი	RJ-45 10/100/1000	RJ-45 10/100/1000			
12	გაფართოების სლოტები	DIMM სლოტი 2 ცალი ან მეტი; M.2 სლოტი PCIe NVMe დისკისთვის 1 ცალი ან მეტი	DIMM სლოტი 2 ცალი; M.2 სლოტი PCIe NVMe დისკისთვის 2			
13	პორტები	USB პორტი 8 ცალი ან მეტი; მინიმუმ 4 ცალი USB 3.0 ან მეტი; მინიმუმ 4 USB პორტი უნდა იყოს სისტემური ბლოკის წინა პანელზე	USB პორტი 8 ცალი ჯამურად; 4 ცალი USB 3.0(2 ცალი უკან, 2 ცალი წინ); 4 USB პორტი სისტემური ბლოკის წინა პანელზე			
14	გრაფიკული ინტერფეისები	სავალდებულოა DisplayPort და HDMI პორტები	DisplayPort და HDMI პორტები			
15	ოპერატიული მეხსიერება	მოცულობა: არანაკლებ 8 გბ ერთი ან ორი მოდულით; ტიპი: DDR4 2666MHz ან მეტი	მოცულობა: 8 გბ ერთი ტიპი: DDR4 3200MHz			
16	აუდიო	სისტემური ბლოკის წინა ან უკანა პანელზე აუდიო პორტები.	სისტემური ბლოკის წინა და უკანაპანელზე აუდიო პორტები.			
17	მყარი დისკი	არანაკლებ SATA, ITB	SATA, ITB			
18	DVD/CD წამკითხველი (DVD/CD Rom)	სავალდებულოა	გააჩნია			

დანართი N2

ფასების ცხრილი

N	CPV კოდი	შესყიდვის ობიექტის დასახელება წარმოშობის ქვეყანა, მწარმოებელი, მოდელი	ზომის ერთეული	რაოდენობა	ერთეულის ფასი (ლარი) დ.დ.გ-ს გარეშე	ჯამი (ლარი) დ.დ.გ-ს გარეშე
1		2	3	4	5	6
1	30213300	მაგიდის კომპიუტერი (დესკტოპი) (მონიტორი, სისტემური ბლოკი, კლავიატურა და მაუსი) უკრაინა, 2E, 2EGE-2207 ჩინეთი, 2E, 2E-B2420B-01 ჩინეთი, 2E, MK401	კომპლექტი	20	2 076.00	41 520.00
2		მაგიდის კომპიუტერი (დესკტოპი) (მონიტორი, სისტემური ბლოკი, კლავიატურა და მაუსი) უკრაინა, 2E, 2EGE-2208 ჩინეთი, 2E, 2E-B2420B-01 ჩინეთი, 2E, MK401	კომპლექტი	80	1 645.00	131 600.00
3	30237280	ენერგომომარაგების აქსესუარები (UPS) ჩინეთი, APC, BV650I-GR	ცალი	100	165.00	16 500.00
სულ თანხა დ.დ.გ-ს გარეშე						189 620.00

პაატა შავიშვილი

3. 23

აღმასრულებელი დირექტორის მოადგილე

